

## TU'UTU'U I LE LOLOTO: Aso Sa 29 Oketopa 2023

### FA'ATOMUAGA

O le Loto Fa'afetai o lo tātou mafai ona lagonaina ma fa'ailoa atu le agaga ua tumu i le fa'amalieina ma le loto fiafia. E tele tusi o le Tusi Pa'ia o lo o fa'amālosi mai iā i tātou ina ia tātou avatu le fa'afetai.

“Ia 'outou fa'afetai i mea uma lava, auā o le finagalo lea o le Atua iā te 'outou, iā Keriso Iesu.” **1 Tēsālōnia 5:18**

“Vivi'i atu ia 'outou i le Ali'i, auā e lelei o IA, auā e fa'avavau lava lona alofa” **Salāmo 107:1.**

### TATĀLO

Le Ali'i e, 'ou te man'ao e ātīina a'e se loto fa'afetai i totonu iā te au. Fa'amolemole fesoasoani mai, le Ali'i e, fa'apupula o'u mata ina ia ou iloa atu mea uma lava e tatau ona ou fa'afetai ai. Fa'ataga mai a'u ina ia ou iloa lou 'a'ao fa'amanuia i lo'u ōlaga mai lea aso i lea aso. Fesoasoani mai iā te a'u ia ou fa'afo'i atu le fa'afetai ia te 'oe i aso uma, auā o lou finagalo lea, 'Āmene.

### MĀFAUFAUGA

#### Salāmo 100

*O le Salāmo e vivi'i ai.*

Ia 'ālalaga i le ALI'I, le lalolagi uma. Ia outou 'au'auna atu i le Ali'i ma le fiafia; ō mai ia 'outou i ona luma ma le 'alaga fiafia.

Ia 'outou iloa o le Ali'i o IA lava le Atua, o IA na faia i tātou, ua fai i tātou mōna; o lona nu'u i tātou, o le lafua māmoe ua IA fagaina. Ia 'outou ulu atu i ona faitoto'a ma le vī'iga, ma ona lotoā ma le pese; ia 'outou vivi'i atu iā te IA, ia 'outou fa'amanū atu i Lona Suafa. Auā e lelei le Ali'i; e fa'avavau lava lona alofa, e o'o atu lava lona fa'amāoni i lea tupulaga ma lea tupulaga.

- O le ā le fe'au o lo o ta'u mai e le Salāmo iā te 'oe e uiga i le Fa'afetai?
- O le ā le fuaitau o le Tusi Pa'ia fa'atatau i le Loto Fa'afetai, e sili ona e fiafia i ai?
- Sa'ili le uiga o upu 'fa'afetai' ma le 'fōa'i' pe fuaitau leo tele fuaitau nei i se tatālo Fa'afetai.
- Fa'aaogā le avanoa o i lalo ifo e tusi ai lau 'oe lava Salāmo e fa'ailoa atu ai i le Atua mea o lo o e fia fa'afetai ai.

### FA'ATINOFA FA'ALEAGAGA

#### Fa'amaumauga o le Loto Fa'afetai

O le fa'amaumauina o tala'aga o mea e te fia fa'afetai ai, e mafai ona fa'atupu ai le fa'asiligāmalosi mo oe i se taimi umi. O uiga fa'aalia o le loto fa'afetai e mafai 'ona 'avea ma fa'atinoga māsani fa'aleagaga.

- Fa'amaumau i se 'api lau fa'afetai. O lo o fa'apipi'i atu i le lautusi o lo'o soso'o se fa'ata'ita'iga
- Mō aso ta'itasi, lisi ni mea lelei se tolu pe lima sa tutupu
- Tusi se mea na e fia fa'afetai ai i le Atua.
- Fa'aaogā mea na e tūsia e fa'avave ai lau tatālo fa'afetai
- Tusi ni tatālo fa'afetai mō talosaga ua talia.

### MATĀUPU TATĀLO

- Fa'afetai ua 140 tausaga talu ona tātou 'au'auna i Niu Sila, 50 tausaga i Fiti, 37 tausaga i Toga, ma le 5 tausaga i Sāmoa.
- Mō fuafuaga o le fa'amanatuina o le 50 Tausaga o Fiti.
- Mō femalagā'iga saogalēmū mō i lātou 'uma o le a 'auai i le 50 tausaga.
- Faa'fetai mō tātou Ta'ita'i Fa'avāomālō o le 'Autau o le Fa'aolataga.
- Fa'afetai mō tātou Ta'ita'i o le Teritori.
- Fa'afetai mō i lātou ua fa'aliliuina e le Atua o lātou ōlaga, e ala i le gāluega a le 'Autau o le Fa'aolataga.

### TATĀLO O LE FA'AFETAI

#### (Fa'aa'oa'o mai le Tusi Tatālo a le Lotu 'Āgelikana)

O Keriso o le vai ola e fa'amamāina, fa'afouina, ma faia mea uma lava ia fou. O Keriso o le 'Āreto o le Ola; e fafaga ai ē fia 'a'ai, fa'amālosia ai tagata lotu ma le 'au gālulue.

O lea mātou te ofoina atu ai la mātou Fa'afetai 'ona o le matagōfie o nei atumotu; mō nofoaga lafulafuā ma vaomatua, mō atumauga, o le gātaifale ma le sami.

Mātou te fa'afetai ma vivi'i i le Atua ona o lēnei lau'ele'ele lelei; mō ona lā'au ma lafanua, mō ona fa'ato'aga ma le tomali ua mātou maua e galuea'ina ai.

Mātou fa'afetai mō 'a'ai ua mātou fausia; mō le poto fa'asaaienisi ma taunu'uga o sālililiga, mō lo mātou ola fa'atasi, mō Aotearoa Niu Sila, Fiti, Toga ma Sāmoa.

## FA'AMAUMAUGA O LE LOTO FA'AFETAI

Salāmo 107:1 'Vivi'i atu ia 'outou i le Ali'i, auā e lelei o IA, auā e fa'avavau lava lona alofa"

### O MEA OU TE FIA FA'AFETAI AI I LE ASO LENEI:

Fa'afetai i le Atua mō nei mea uma.


### TAGATA OU TE FIA FA'AFETAI AI:

Fa'afetai i le Atua mō tagata ua 'aumi i lou ōlaga.

### TUSI I LALO TALI UA MAUA MAI AU TATĀLO:

Fa'afetai i le Atua mō tali ua maua mai.

### FAGU O FA'AFETAI:



Tusi se ata o se mea e te fia fa'afetai ai.